

## **Şagirtîya Hackney Homes rê li ber di karên avahîyan de xebata jinan vedike**

**Xeratî (necarî). Borîsazî. Elektrîk. Ev tenê hinek pîşe ne ku wek beşeke projeya Şagirtîyê ya Hackney Homes ji bo ciwanên 16-19 salî peyde dibin. Ji bo vê, balkişandina ciwanan dikane carinan karekî dijwar be.**

**Rûniştîyeke Hackney ji xwe re kiriye mîsyon ku karên avahîyan ji bo ciwanan, bi taybetî jinên ciwan ên ku li navçeyê rûdinin, balkêş bike.**

Callie Duncan'a ku vî çendî xelata Hevkarîya Mikemelîya Xizmeta Gelêrî ya Salê (APSE) sitendiye li dijî ramana ku karên avahîyan 'ji bo mêran' e radiweste û vê mesajê derbasî jinên ciwan ên din li Hackney dike.

“Beşeke vê karî ku herî pir ez hez dikim ew e ku ez bi jinên ciwan ji gelek piştgehên cuda ku hîn jî li ser pîşeyê xwe yê pêşedemê difikirin re dipeyivim.

Ev gelekî teşwîkkar e, ji ber ku ez dikanim pirsên wan bersîv bikim û heke mîtên (baweriyên batil) wan ên li ser xeratîyê hebin, ji hev bixim”.

Ev xebat, li gel karê wê yê rojane wek Ambassadorê Trusta Avakarîyê ya Ciwanan dibe alîkar ku bêtir jin ji bo karên avahîyan bîr teşwîkkirin. Di vê rolê de, ew diçe xwendegên herêma ku jinên ciwan bibîne û li ser tecrubeyên xwe û kêhatin û xelatên xebata karên avahîyan bi wan re dipeyive.

Callie, wek xerata şagirt dest bi karê xwe kir û piştî qedandina perwerda xwe, ew mezûn bû ku bibe karmenda gişt-dem a Hackney Homes.

Susmita Noonana ku Serok Birêvebira Demî ya Hackney Homes e wisa got: “Ji bo Callie serketineke mezin e ku bûye şagirta jin a salê. Dilsozîya wê ya ji bo karê wê û dema ku ji bo alîkarîya jinên din ên ciwan vediqetîne, baş tê naskirin. Ew bi tecrubeya xwe raber dike ku pîşeyek dikane çiqas bi xelat be”.

**Serîlêdanên ji bo şagirtîyên nuh dê di nivê 2008an de dest pê bikin. Agahîya li ser sîstema serîlêdanê dê bi rêya websîteya Hackney Homes peyde bibe:**

**[www.hackneyhomes.org.uk](http://www.hackneyhomes.org.uk)**

## **Kurtîya Nûçeyan**

**Di dema Noelê de seetên vekirî**

**Roja Noelê (25ê Çileyê Pêşîn), Roja Paş Noelê (Boxing Day 26ê Çileyê Pêşîn) û Roja Serê Salê (1ê Çileyê Paşîn): hemû Ofîsên Taxê û Ofîsa Navendî yê girtî bin.**

Ji xêndî rojên li jor gotî, Ofîsên Taxan ê wek her tim (9.00 – 17.00) xebatê bikin. Ji kerema xwe bi bîr bînin ku ji ber dema betlanê hinek xizmet ê bi kêmasî xebatê bikin.

Navenda Têkilîyan a Tamîran ê Roja Noelê, Piştî Noelê û Serê salê 24 seetan vekirî be, tenê ji bo xizmetên tamîrên acil. Heke we rewşeke acil hebe, ji kerema xwe telefon bikin bo 020 8356 3691.

**Ji bo Hackney Homes demên vekirî ji xêndî rojên jêrîn ên di dema Noelê de têrmijûl, wek her tim in.**

## **Hema şîfreyê bipirsin**

**Heke li ser ewlekariya we fikarên we hebin an jî fikaran dikin ku kesekî xapînok tê mala we, wê gavê dema ku carek din pêwîstiya we çêbibe ku karkerekî Hackney Homes were mala we tamîran bike, hun dikanin şîfreyê bipirsin.**

Pir hêsan e. Dema ku hun telefonî Navenda Têkilîyê ya Tamîran li 020 8356 3691 dikin, hema ji endamekî tîma me şîfreyekê bixwazin. Ev dikane her tiştekî ku we hilbijartîye be – navê heywanê we yê malê, navê dayika we yê qîztîyê, cîhê bûyina we – her tiştekî ku hun kanibin bînin bîra xwe.

Dema ku karkerên tamîran bên mala we ku tamîrê biqedînin, ew ê ji we re şîfreyê jî bibêjin. Bê guman ew ê her weha unîforma Hackney Homes jî li xwe bikin û nasnameya bi fotograf bi xwe re bigerînin ku dilê we têxin cîh ku ew ji Hackney Homes tên.

**Ji bo bêtir agahîyê, bidestxistina bêtir agahîyan li ser tamîran, ji kerema xwe telefon bikin bo 020 8356 3691.**

**Li ser vê hejmara Nûçenameya Hackney Homes qet şîroveyên we hene? Qet nûçe an ramanên çîrokan hene ku ji me re bibêjin? Ji kerema xwe bi tîma Komunîkasyonê ya Hackney Homes re têkilî çêbikin, 020 8356 3528 an jî email:**

**[HousingEditor@hackneyhomes.org.uk](mailto:HousingEditor@hackneyhomes.org.uk)**

**Serketîyên pêşbazîya teserûfa enerjîyê**

**Pîrozbahî ji bo niştecihên bi siûd ên jêrîn ku di pêşbazîya Teserûfa Enerjîyê ya Hackney Homes de Standby Busters bidest xistine (wek ku di hejmara Cotmehê ya Nûçenameya Hackney Homes de hatiye raberkirin).**

**Sheila Suso-Runge – Homerton**

**Evelyn Wright – North East Neighbourhood**

**Anna Jones – Queensbridge û De Beauvoir**

**Lyndsay Hilliam – Shoreditch**

**Ms Eshituku – Queensbridge û De Beauvoir**

**Enrique Freire – North East Neighbourhood**

**Kelly O'Neill – Queensbridge û De Beauvoir**

**Carrie – Shoreditch**

**Florence Ogunji-Amusan – Homerton**

## **Noel û Sersala we Pîroz Be**

Em hêvî dikin ku hun û malbatên we Noel û Sersaleke şa derbas bikin û em dipên ku di 2008an de pev re bixebitin.

Susmita Noonan, Serok Birêvebir (Demî)

Rupert Tyson,  
Serokê Desteya Birêvebir

**Ronayî li Mare Street pêk hatiye, sezona pantomîn hatiye Empire û hewa pir sar bûye. Dîsa ew dema salê ye, Noel hatiye, û dûre dîsa bi wê lezê, dawîya salê tê.**

**Ev du sal in ku em niştecih û karmendan dibînin û li ser xizmetên mişterî bi wan re dipeyivin, û ji wan dipirsin ku ji bo mikemelkirina xizmetên ji bo niştecihan em dikanin çî bikin.**

Tiştê ku li ser van civînan bala me kişandiye, hewes û coşa parvekirî ye ku Hackney bike cîhekî çêtir. Û bawerîyek heye ku her çiqas rewş çêtir be jî, hîn jî divê gelek kar bê kirin.

Em fahm dikin ku di 2007an de ketin û rabûn hebûn. Dema ku Hackney Homes rêjeya teftîşa du-stêrk bi dest nexist, ku ji bo bikaranîna fona hikûmetê ya ji bo bernameya Malên Minasib pêwîst e, niştecih û karmend hevî şikestî bûn.

Lê belê di seranserê salê de rabûn jî hebûn. Me xizmeta tamîrên xwe fireh kirine ku bêtir tiştan bidin niştecihan; me pêkhatina tevlêbûna niştecih hêsan kiriye û bi niştecihan re xebatê dikin ku bicîh bikin ku ew di navenda biryardanê de cîh bigirin; û bernameya Malên Minasib çêtirkirina malan li seranserê navçeyê domandiye.

Ji ber ku êdî Sala Nuh nêzîk bûye, em li 2008an dinêrin û bawer dikin ku em dikanin pev re malên li Hackney çêtir bikin. Dûre di 2008an de em ê ji Komîsyona Kontrola Hesaban bixwazin ku şûnve werin û armanca me hîn jî ew e ku em fonan bisitînin ku bernameya Malên Minasib temam bikin.

Em gişt mal û civakên çêtir dixwazin. Ev vîzyona me ya ji bo pêşedemê ye û em bi xurtî dixebitin ku wê bicîh bikin. Em her tim rast nakin û pêwîstîya me pê heye ku heta ku ya rast bê kirin, hun ji me re bibêjin û bi me re xebatê bikin. Pev re, divê em raber bikin ku navçeya Hackney di rêya rast re dihere û ku pêwîstî û mafê niştecihên Hackney Homes bi çêtirkirinên malê heye ku ji nuha de cudatîyek pêk anîne.

Em hevî dikin ku hun û malbatên we Noel û Sersaleke ewle û şa derbas bikin û em dipên ku di 2008an de pev re xebatê bikin.

## **Peymana Hevparîyê ya Bakurê Rojava Hat Îmzekirin**

**Panela Taxê ya Stoke Newington bi ofîsa taxê ya Bakurê Rojava re peymaneke hevparîyê îmze kiriye (Ji alîyê Pathmeads ve tê birêvebirin).**

Peyman di derengê Cotmehê di Roja Kêfê ya Hawksley Court de hat îmzekirin û raber dike ku Panel û tîma taxê dê çawa pev re bixebitin.

David Larkinê Serokê Panelê got ku peymana herêmî platformek e ji bo avakirina têkilîyeke çêtir.

“Ew di hîmê xwe de dibêje ku em ê çawa pev re bixebitin - asta xizmeta ku em hêvî dikin û ku em çawa dikanin li hemberî hev erênî û durist bin, da ku li Bakurê Rojava birêvebirîya sîteyê çêtir bikin.”

## **Hun dixwazin tev li koma min a lêkolînê bibin?**

**Merheba, navê min Jennifer Jones e û ez li Hackney Homes Karmenda Tevlêbûna Niştecih im.**

Ez di nav tîmeke pênc karmendên tevlêbûna niştecih de dixebitim û karê me ew e ku em niştecihan teşwîk û bi hewes bikin ku tev li biryarên sereke yên li ser mal û hawirdora xwe bibin. Em piştevanîya karê bi Komelên Kirêdar û Niştecih (KKN) re dikin, projeyên civakî pêşde dixin, alîkarîya serîlêdanên fonan û gelek tiştên din dikin. Ez nuha li 100 dilxwazan digirim ku tev li kluba min a lêkolînê bibin.

Ji sê mehan carekê, ez ê têkilî bi we re çêbikim û ji we bixwazim ku hun tev li lêkolînekê bibin. Her carê ew ê li ser tiştêkî cuda be. Ya yekemîn ew e ku em li ser bernameya me ya lînêrîna plankirî ku tiştên wek ronîkirina sîteyê, boyaxkirin, asansor û lînêrîna herêmên hevpar ên sîteya we dihundirîne, nêrînên we bisitînin. Bi giştî hun biryarê didin ku çawa tev li lêkolînekê bibin. Ez dikanim kopîyeke çapkirî ji we re bi postê bişînim, ji we re emailekê bişînim, hun dikarin wê li websîteya me tije bikin, an jî ez dikanim telefonî we bikim û pirsan ji we bikim.

Piştî ku ez ji her kesî şûnve agahîyê bistînim, ez ê dîtîyên lêkolînekê û ku em ê nêrînên we çawa têxin nav hesêb bi nameyekê ji we re îzeh bikim.

Û her ji sê mehan carekê ez ê bi korfelaqî komeke serketîyan hilbijêrim ku wek sipasdarîya ji bo tevlêbûnê dê fişeke £50an bisitînin.

Lêkolînê ê her ji sê mehan carekê li dor 15-20 deqîqên we bistînin. Hun ne mecbûr in ku her carê tev lê bibin, lê belê bê guman ew ê tiştêkî hêja be ku hun tev lê bibin.

**Heke eleqa we bo tevlêbûnê hebe, ji kerema xwe telefonî min bikin: 020 8356 2117**

**an jî email bişînin:**

**[jennifer.jones@hackneyhomes.org.uk](mailto:jennifer.jones@hackneyhomes.org.uk)**

## **Rakirina standardên xizmeta me... hun dikarin alîkarîyê bikin**

**Standardên me yên Xizmetê çarçoveya awayê ku em xizmetên xwe li gora dem û standardên binavkirî pêşkêş dikin dide. Wek mînak, bersîvkirina pêwîstîyên kirêdar û xwedî-lease'an, kirina tamîrên acil di nav 24 seetan de û baş bikaranîna pere.**

Reşnivîsa standardên xizmeta me wan qadên xizmeta Hackney Homes dinixumîne ku xizmetên mişterî, xizmetên

kirêdar, hawirdora sîteyê, dayina kirê, tamîr û lînêrîn, tevlêbûna niştecih û xwedîtîya xanî di nav de ne.

**Hun dikanin biçin [www.hackneyhomes.org.uk](http://www.hackneyhomes.org.uk) ku hûrgilîyên reşnivîsa standardan bibînin û şîroveyên xwe berî dawîya çileyê pêşîn ji**

**[Sharene.Labonte@HackneyHomes.org.uk](mailto:Sharene.Labonte@HackneyHomes.org.uk) re bişînin an jî telefon bikin bo 020 8356 8891.**

## **Li ser xwe bêtir agahî bidin me**

**Em naxwazin pozê xwe zêde têxin nav karê we, lê belê em dixwazin ku li ser we bêtir agahîya me hebe. Em dixwazin temenê we, heke hebin seqetîyên we an pirsgerêkên tendurustî, zimanê ku hun dizanin, û heke hun ji me re bibêjin, ol (dîn) û meyla we ya cinsî jî bizanibin.**

Ev agahî hemû ji aliyê Hackney Homes ve li gora Qanûna Parastina Datayê nehênî (sirrî) tê hilanîn, lê belê sedema ku em vê agahîyê dixwazin ew e ku em xizmetên xwe li gora pêwîstîyên we pêşde bixin.

Wek mînak, heke em bizanibin ku niştecihên me bi çî zimanan dizanin, em dikanin bêtir wergeran pêşkêş bikin. Heke em bizanibin ku gelek ciwan li sîteyekê rûdinin, em dikanin lê binêrin ku bêtir çalakîyên ciwanan pêşkêş bikin. Her weha, heke pir niştecihên kal û pîr hebin, em dikanin hewl bidin ku xizmetên ku pêwîstîyên wan bersîv dikin, pêşkêş bikin.

Bi vê nûçenameyê re, hun ê lêkolîneke bi navê 'Xwe gîhandina xizmetê' bibînin. tijekirina wê dê tenê 5 deqîqan bajo û hun dikanin wê yekser bi posta bêpere (pûl ne pêwîst e) ji me re bişînin. Her hefte, em xelateke £50 didin niştecihekî ku form tije kiriye.

## **Civînên bê yên TRA**

**Heke hun tucarî neçûbin civîneke Komeleke Kirêdar û Niştecihan (KKN), nuha demek baş e ku hun biceribînin.**

**Ji bo rojên Çileyê Paşîna 2007an li jêr binêrin:**

**Regents Estate 7  
Rowley Gardens 7  
Fawcett Estate 8  
Frampton Park Estate 8  
Sherry's Wharf 8  
Trelawney Estate 8  
Kingsland Estate 9  
Lincoln Court 9  
Wrens Park Estate 9  
Banister House 10  
Fairbank Estate 10  
Woodberry Down North 14  
Alden û Broadway Estate 16  
Boscobel 16  
Gordon Lodge û QE Close 16  
Haberdasher Estate 16  
Jack Watts Estate 16  
Landfield Estate 16  
Manor Estate 16  
Webb Estate 16  
Yorkshire Grove 16  
Avenue House û Tower Gardens 17  
Colville Estate 17  
De Beauvoir Estate 17  
Mountford Estate 17  
Beecholme & Casimir 23  
Defoe North û South 21  
East Reservoir 21  
Shrubland Estate 21  
Somersford & Shacklewell Estates 21**

**Powell û Hunsdon 22**  
**Nisbet House 22**  
**St Marys Estate 22**  
**Jack Dunning Estate 23**  
**Shepherdess Market 23**  
**Warburton û Darcy Estates 28**  
**Burma Court û Arakan Estate 29**  
**Fields Estate 29**  
**Joseph Court 29**  
**Lea View & Keir Hardie 29**  
**Lordship North Estate 29**  
**Smalley Road 29**  
**Woodberry Down Newton Close 30**  
**Acton Estate 31**

Roj dikanin biguherin. Ji bo dem û cîhan ji kerema xwe telefon bikin bo tîma Tevlêbûna Niştecih: 020 8356 7845.

## **Bibin Înspektorekî Niştecih**

Em dixwazin ku xizmetên xwe çêtir bikin û pêwîstiya me bi alîkariya we heye. Teftîşên niştecihan jî ji bo awayekî tevlêbûna pêşçavkirina pêşkêşkirina xizmetê ye. Em li niştecihan digerin ku bibin înspector (mifetîş); ew ê qadeke xizmetê hilbijêrin û wê xizmetê teftîş bikin û bibînin ku çi baş dixebite û çi dikane çêtir bê kirin.

Armanca rola we dê teftîşkirin û komkirina şûnve agahî dayina niştecihan a li ser xizmetên ku Hackney Homes pêşkêş dikin be; hun ê her wisa şûnve agahiyê bidin karmendan ku divê çi bê çêtirkirin û sehkirina van çêtirkirinan bikin.

**Armancên tîma înspektorên niştecih ev in:**

- Nirxandina hinek xizmetên ku ji aliyê Hackney Homes ve tîna pêşkêşkirin;

- Pêşniyar bike ku xizmet çawa dikanin bên çêtirkin;
- Li gel karmendan bibe alîkar ku têkilîyeke erênî di navbera Hackney Homes û niştecihan de pêk were.

### **Tiştên ku hun dikanin bikin:**

- Meşên li sîteyan
- Teftîşa malên vala ku divê ji nuh de bên kirêdayin
- Teftîşa raporkirinê û kirina tamîran
- Rûbirû an jî bi telefonê ji niştecihên din agahî sitandin
- Alîkarîya karmendên ku xizmetan birêve dibin bikin ku fahm bikin ku ji bo jêxweşbûna kirêdaran çi dikane bê kirin.

### **Kî dikane tev lê bibe:**

- Kirêdar û xwedî-lease'ên Hackney Homes
- Mişteriyên ku dixwazin alîkarîya Hackney Homes bikin ku xizmetên xwe çêtir bike û bi mikemelî pêşkêşî kirêdaran bike
- Mirov, ji hemû temen û çandan. Em dilsozê cîhêrengîya navçeya me ne û dixwazin yelpazeyeke mirovan tev li Hackney Homes bibin.

### **Heke hun difikirin ku bala we dikişîne ....**

Pêvajoyeke karmend sitendinê ya tevlêbûna vê projeyê heye – anku divê hun bi tijekirina formeke kurt a serîlêdanê serî lê bidin û divê em binirxînin ku hun li gora wê rolê ne an na. Bila ev tişt we sar neke. Pêwîstîya we bi kûalîfikasyonan tuneye û ne pêwîst e ku hun tu testan derbas bikin.

### **Çiqas dem pêwîst e?**

Bi pêşdîtina me, teftîşê salê du caran bibin û her teftîşekê bi qasî heta du rojan dema we bisitîne. Her wiha dê pêwîst be ku berî ku hun teftîşan bikin, hun tev li perwerdeyê heta bi du rojan bibin; lê belê perwerdeyê ji beşên piçûk pêk bê.

## **Ev çawa dikane bikêrî we were...**

Hun ê sertîfikayekê bisitînin ku perwerdeya ku hun tev lê bûne belê bike; perwerde bi xwe dê xwe-bawerîya we zêde bike û profîla we ya kar xurt bike.

Em ê her weha mesrefê çûn û hatina we û heke hebe mesrefên zaroknêrên qeydkirî jî bidin û dibe ku xelateke mutewazî jî bi awayekî bidin we.

## **Heke hun dixwazin gaveke wêdetir bavêjin...**

Hun dikanin ji yên jêrîn yekê bikin:

- **AN** ji websîteya Hackney Homes formeke serîlêdanê daxin, tije bikin û bidin postê bo: Sharene Labonte at 136 – 142 Lower Clapton Road, London E5 0QD **AN**
- Telefon bikin bo Sharene, 020 8356 8891 û agahîya xwe bidin me **AN JÎ**
- Emailekê bişîne bo Sharene:  
harene.labonte@hackneyhomes.org.uk û em ê bi we re têkilî çêbikin.

**Serîlêdan divê berî 11.01.2008an bên kirin.**

## **Bernameya Malên Minasib didome**

**Bernameya Malên Minasib li çaralî navçeyê pace, serbanî û nuhkirinên din pêk anîne.**

Bernameyê ji nuha de guhertineke girîng li navçeyê pêk anîye; ji bo niştecihan xaniyan çêtir dike û malan bêtir dilkêş dike.

Wek dibe ku haya we jê hebe, Hackney Homes rêjeya du stêrk bidest nexist, ku ji bo bikaranîna fona Hikûmetê ji bo dawîya mayî ya bernameya Malên Minasib jê re pêwîst bû.

Teva vê derengmayinê jî, bernameya Malên Minasib ê di 2008/09an de bi lezeke kêmtir bidome.

Her çiqas Şaredariyê ji bo sala bê ya finansê budçeya xwe çênekiribe jî, ji ber tunebûna fona hikûmetê,

piştevanîya domkirî ya diravîn ji bo bernameya Malên Minasib ê pêşanîyeke Şaredarîyê be.  
Me bernameya 2008/09an li gora fonên ku em ê muhtemelen bikanibin bikar bînin pêşçav kiriye û ji her kesê di nav bernameyê de re nivîsandiye. Karê gelek sîte û niştecihan dê wek ku hatiye plankirin bidome.

Em konsantre dibin ku berê karên ku hene biqedînin. Pêxistina pace û serbanîyên nuh di nav vê de ye. Lê belê, dê hinek karên derve û karên hundir ên metbex û serşokan bi derengî bikevin.

Her çiqas kar dikane heta bi 12 mehan bi derengî bikeve jî, em ê dîsa jî xwe ji bo destpêkirina kar amade bikin û ji ber vê sedemê, em ê bi we re di mehên bê de lêkolîn û civînên şêwirdarîyê li dar bixin. Bi kirina vê, çer ku fonên zêdekirî yên hikûmetê peyde bibin, em ê bikanibin tavilê dest bi kar bikin. Armanca me hîn jî ew e ku em fona zêdekirî ya hikûmetê bidest bixin û em di 2008an de teftîşeke din a Komîsyona Kontrola Hesaban dixwazin, da ku fonê bidin serbesthiştin.

**Heke pirsên we hebin, ji kerema xwe li gel xeta lêpîrsînê ya Malên Minasib têkilî çêbikin an jî email bişînin bo:**

**[dhenquiries@hackneyhomes.org.uk](mailto:dhenquiries@hackneyhomes.org.uk)**

Hun her wisa dikanin ji bo bêtir agahîyê biçin websîteyê jî: [www.hackneyhomes.org.uk](http://www.hackneyhomes.org.uk).

## **Bi Endamê Desteya Birêvebir ê Hackney Homes Jonathan McShane re 60 saniye**

**Nûçenameya Hackney Homes vî çendî xwe gîhand Jonathan McShane ku li ser rola wî ya di Desteya Birêvebir û eleqa wî ya alîkarîya Hackney Homes bo pêşkêşkirina xizmetên mikemel ên xanî gotûbêj bike.**

### **Bi xêr hatin bo Hackney Homes, Jonathan. Hun dikanin ji me re çenekî li ser xwe agahîyê bidin?**

Ez eslen ji Glasgow im û berîya bêtirî 10 salan min bar kir bo Hackney. Ez bûm endamê encumena şaredarîyê, ji ber ku min dixwest derfet hebe ku ez di herêma xwe de guhertinekê çêbikim. Piştgeha min a kar komunîkasyon e û ez nuha ji bo şewirdarîyekê dixebitim û şewirdarîya mişterîyên sektora gelêrî dikim. Ez her weha Governorekî Xwendegeha Randall Cremer im, li Hackney. Li şaredarîyê ez her weha serokatîya Tendurustîyê li Komîsyona Çavdêrîyê ya Hackney dikim.

### **Li Hackney rûniştin, di çend salên çuyî de we çî guhertin dîtin?**

Hackney gelekî guherîye – bi alîyê başîyê ve. Civaka me gelekî bêtir cîhêreng e û ji alîyê herêmî ve û li seranserî navçeyê hinek guhertinên bi heyecan pêk tên. Hinek mînak ji bo we – sûc kêr dibe, xwendegeh çêtir dibin, mal tên çêtir kirin – pêwîstî tune ye ku bidomînim. Lê belê hîn jî divê gelek tişt bên kirin.

### **Teftîşa 2008an dipên, hun çî dijwarîyan dibînin li pêş?**

Dijwarîyeke sereke tevlêkirina yelpazeyeke fireh û cîhêreng a niştecihan bo xizmetên ku Hackney Homes pêşkêş dikin e. Em gişt dizanin ku heke pirsgirêkek tunebe, îhtîmala ku mirov biçin ba xwedîyê xaniyê xwe kêr e, lê belê divê em wê mentalîteyê biguherînin, da ku ji ber ku niştecih bawer dikin ku em ê li wan guhdarî bikin û nêrînen wan ên ji bo pêkanîna çêtir kirinan li pêş çav bigirin, werin ba Hackney Homes.

### **Hun di dema xwe ya vala de çî dikin?**

Ez hîna nuh li zanîngehê vegeerîyame ku di Sîyaseta Gelêrî de Master bikim, ku gelek dem disitîne. Ez her weha hewl didim ku bibezim ku bijûn bimînim, ez salê di maratonekê de direvim ku ji bo Kluba Keştîyan a

Laburnum peran kom bikim. Û erê, ez ê di Nîsana 2008an de di Maratona Londonê de bibe zim û dê bipê m ku her kes sponsorîyê bike.

**Çêtir kirina xizmeta me ya tamîran ... ji me re alîkarîya we divê**

**Îsal di Hezîranê de, Hackney Homes dest bi Kartên Xizmeta Mişterî kir – wek awayekî din ku em çavdêriya performansê bikin û her wisa bibînin ku tamîrên ku li mala we hatine kirin çiqasî bi dilê we ne.**

Kart bi her karê tamîrê yê ku Navenda Têkilîyê ya Tamîran saz dike tê pêvekirin, da ku piştî ku karker karê tamîran diqedînin, bikanibin kartan bidin niştecîhan.

Jim Shepherdê Birêvebirê Kalîte û Sîstemê yê Hackney Homes got ku ji dema ku kart hatine destpêkirin û vir de, şûnve agahî dayina niştecîhan, di astên bilind de jêxweşbûna mişterî dîyar kiriye.

“Di çar mehên çûyî de, bêtirî 800 kart bi şûn ve hatine şandin ku raber dikin ku tamîrên ku hatine kirin bi dilê mişterîyan in. “Bi giştî, şûnve agahî dayina niştecîh raber dike ku jêxweşbûna mişterîyan ji tamîran li dora %90 e, ev yek û lêkolînên bi telefonê yê piştî kirina karekî tamîrê, ji aliyê Navenda Têkilîyê ve hevgirtî ne,” Jim digot. Hinek mînakên şîroveyan ku me ji niştecîhan sitendine li jêr rêz kirî ne:

“Cîhê kêfxweşiyê bû ku xeratakî wek Leroy (South Base) li mala min dixebitî. Ew kibar, bi kêf û piştî ku karê xwe qedand pir paqij bû”

“Karê karmendan bi dilê min bû”

“Xizmet mikemel bû. Sipas”

“Li ser ku ez dikanim çî têxim jêrê destşoka metbexê û çî neximê, temîyên baş li min kirin”

“Xizmet pir bi dilê min bû”

Kartên xizmetê yê bihayê postê dayî jî qadên çêtirkinê dîyar dikin, lewra HEMÛ şûnve agahî dayin bi nirx e. Cara bê ku karmendekî tamîrê were mala we, ji bîr nekin, karteke xizmeta mişterî bixwazin.

## **Bakurê Rojava (Stoke Newington) seetên xizmetê zêde dike**

**Tîma kirê nuha bi telefonê di 9.00 – 18.00an de peyde dibe.**

Hun dikanin ji bo têkilîya bi tîmê re telefon bikin bo 0208 356 6048/3547 û planeke kirêdayinê saz bikin an bi telefonê bi karta kredîyê yan debîtê pere bidin. Ji kerema xwe not bikin ku civînên bi tîma kirê re divê dîsa jî di 9.00 – 17.00an de bin.

**Tîma kirê ya li Ofîsa Taxê ya Bakurê Rojava (Stoke Newington) seetên xwe yê xebata telefonê dirêj kirine, da ku bêtir dema niştecihan hebe ku telefon bikin û lêpirsînên kirê gotûbêj bikin. Tîm dilsoz e ku ji bo kêmkirina deynê kirê û çêtirkirina xizmetan alîkarîyê bike.**

**Tirkî zimanê we yê yekemîn e?**

**Pêwîstîya we bi şêwirdariya xênî heye?**

**Projeyeke şêwirdariya xani vê dawiyê bi karmendên Hackney Homes û Balik Arts re li Ofîsa Taxê ya Bakurê Rojava hatiye saz kirin.**

Kirêdar û xwedî-lease'ên Tirkîaxêv ku li xaniyên li Taxa Bakurê Rojava rûdinin dê bikanibin agahî, şêwirdarî û rêberîya li ser mijarên wek deynên kirê, alîkarîyên sosyalê, mijûlbûna bi şêlên antîsosyal an mal barkirinê ji Yeşim Güzelpınar-Karakuşa Şêwirdareke Tirkîaxêv bisitînin.

**Şêwirdarî roja Duşemê li Avahiya Şaredariya Stoke Newington peyde dibe, Stoke Newington High Street, N16 0JR. Ji bo randevûyeke roja Duşemê telefon bikin bo 020 8356 6105. Şêwirdarî her wisa rojên Pêncşemê jî peyde dibe li Balik Arts, Tohum Cultural Centre, 3 Tyssen Road, N16 7NA.**

**Ji bo sazkirina randevûyeke roja Pêncşemê telefon bikin bo 020 7254 7897.**

**Ji bo alîkarîya Civaka Bangladeşî ya Hackney xebata hevkarîyê**

**Hackney Homes bi firmaya herêmî ya perwerdeya pîşeyî UXL û Komela Xaniyan a Bangla a Londonê re hevkarîyê dike ku kursên Îngîlîzî yên ji bo axaftvanên zimanên din (ESOL) ji bo civaka Bangladeşî li Londonê saz bikin.**

Jackie Loftusa Karmenda Projeyê ya Hackney Homes got ku kursên ku derengê Mijdarê dest pê kir bi alîkarîya Komela Kirêdar û Niştecihan (KKN) a herêmê pêk hatine û ji nuha de di nav civaka herêmê de populer bûne.

“Taxa Bakurê Rojava ya Hackney teva Bangla Housing wek herêmeke bi hejmareke zêde ya niştecihên Bangladeşî hat binavkirin. Em bi KKN'a Landfield Estate

re xebatê dikin ku bikaranîna hola komelê ji bo kursan misoger bikin,” Jackie digot.

Kursên perwerdeya Îngîlîzî ku ji aliyê Sazîya Avakarîya Londonê ve tê fonkirin bi taybetî ji bo civaka Bangladeşî (ji 16 salî mezintir) hatine saz kirin, da ku ji wan re bibe rêyeke bidestxistina zîrektîyên ziman û perwerdeya kar ku bikanibin ji bo kar amade bibin. Endama Encumanê û Desteya Birêvebir a Hackney Homes, Linda Kelly ewên din teşwîk dike ku tev li perwerdeya kar a bêpere bibin. “Kursên ESOL ji bo hin endamên civaka Bangladeşî pêpelikan pêşkêş dikin ku kar peyde bikin. Ev proje ji bo wê yekê ye ku alavên rast û perwerdeya kar bide civakê ku gavan pêşde bavêjin,” Endama Encumanê Kelly digot. Kursên perwerdeya kar Duşem û Sêşemê li Landfield Estate Community Hall tên birêvebirin. Kreşeke bêpere heye û çûnûhatin tê saz kirin. Ji bo bêtir agahîyê têkili çêbikin li gel Loftus li 020 8356 7863.

## **Zêdebûna kirê ji 7 Nîsan 2008an û pey ve**

**Hun ê di demek kin de nameyekê ji Serok Birêvebira Hackney Homes, Susmita Noonan bisitînin ku li ser zêdebûnên kirê ji 7 Nîsan 2008an û pey ve agahîyê bide we.**

Dayina we ya kirê ji kirêya bingehîn a mala we û bihayekî xizmetê yê cîhê ji bo xizmetên sîteyê yên ji bo piranîya kirêdaran pêşkêşkirî pêk tê. Paqijî, lînênêna zemînan, ronîkirina cîhên hevpar û yelpazeyeke fireh a xizmetên ji bo ewle kirin û lînênêna sîteya we di nav vê de ne.

Ev awayê hesibandina asta kirêya xaniyê we ji bo wê yekê hat pêşniyar kirin ku Hikûmet dixwaze ji bo milkên şaredarî û komelên xaniyan yên wek hev li heman herêmê heman astên kirê hebin. Wek encam, li gora qaydeyên Hikûmetê, kirêya bingehîn a kirêdarên Şaredariyê yên li

Hackney divê heta bi 2011an her sal zêde bibe ku bigihêje vê asta wek hev. Hikûmet nahêle ku di salekê de zêdebûnên giran çêbibin. Lê belê, şaredarî û Hackney Homes mecbûr in ku di hesabandina kirêya we de li gora qaydên Hikûmetê tev bigerin.

Em ji bo ku divê kirê bi çiqasî zêde bibe nêrînên we dipirsin. Ji kerema xwe ji bîr nekin û berî dawîya meha yekê nêrîna xwe bibêjin.

**Heke pirsên we hebin, ji kerema xwe li gel ofîsa taxê ya herêma xwe têkilî çêbikin; ew ê bikanibin pirsên we bersiv bikin û bêtir agahî bidin we. Hun her weha dikanin ji bo bêtir agahîya nûjen biçin websîteya Hackney Homes.**

## **Nûçenameya Xwedî-lease û Xwedî-milkan**

### **Konferansa Xwedî-lease û Xwedî-milkan**

**Tarîx: Şemî 26.01.2008**

Em ê yekemîn **Konferansa xwe ya Xwedî-lease û Xwedî-milkan** şemîya 26.01.2008an li dar bixin. Çalakî yê li vir were lidarxistin: the Ocean, 270 Mare Street, E8 (li hemberî Hackney Town Hall) 10.00 – 16.00.

Konferans ê li ser yelpazeyek mijarên bi xwedî-lease û xwedî-milkan eleqedar li cîhekî, agahîyê pêşkêş bike. Dê ji aliyê axaftvanên sereke pêşkêşî hebin, her weha desgeh û komên gotûbêjê.

Me konferans bi Foruma ji seranserî navçeyê û Komela Xwedî-lease'an a Bakurê Rohilat (NELA) re saz kiriye. Ew xwedî-lease û xwedî-milkên ku tevlêbûna xwe daye qeydkirin ê di demeke kurt de nameyekê bisitînin ku cîhê wan ê çalakîyê belê bike. Cîh bi sînor e, lewra em tenê dikanin heta bi 250 kesan bicîh bikin.

## **Lêkolîna Jêxweşbûnê ya Xwedî-lease**

Encamên Lêkolîna Xwedî-lease'an ku îsal hat saz kirin, bidest ketine û xwedî –lease'an hinek qadên xizmetê yê Hackney Homes destnîşan kirine ku divê bên çêtirkin. Qadên wek heqê pere dayin û şewirdariyê ji aliyê xwedî-lease'an ve wisa tînin ku divê bên çêtirkin. Wek bersîvkirina vê şûnve agahî dayinê, tîma Xwedî-lease û Mafê Kirîna komên fokusê saz kirine ku niştecih li ser qadên taybetî yê xizmetê û ku difikirin ku divê çawa bên çêtirkin, nêrînan xwe bînin zimên.

Komên fokusê nuha dest pê kirine û ji aliyê Sazkerê Serbixwe yê ji Tora Kalîta Xanî ve tê birêvebirin, da ku nehênîştina nêrînan misoger bike.

Encamên şûnve agahî dayinê ku ji van komên fokusê bînin sitendin dê di destpêka 2008an de bînin weşandin.

## **Nûçenameya Xwedî-lease û Xwedî-milkan a Çileyê Pêşîn**

Di Nûçenameya Xwedî-lease û Xwedî-milkan a Çileyê Pêşîn de bêtir agahî heye. Hun ê nivîsên li ser xizmetên ku em pêşkêş dikin û çêtirkinên ku me pêk anîne bibînin. Hun dikanin hemû karên erênî bibînin, ku ji aliyê Tîma Ewlehîya Sîteyê ve bi hevkarîya Polîs tê kirin, da ku serî bi şêlên antisosyal derxînin, ku em çawa xizmetên xwe pêşçav dikin ku bêtir heqê pere bidin. Heke şîrove an pêşniyarên we hebin, ji kerema xwe wan bişînin bo [LHFHnews@hackneyhomes.org.uk](mailto:LHFHnews@hackneyhomes.org.uk) an jî LHFH Newsletter, Freepost, RLRL-HJUX-RKTS, 298 Mare Street, London, E8 1HE

### **Performans bi kurtî**

Rêjeya telefonên di 5 lêdanan de bersîvkirî 96.17%  
96.25%

Dîtina kesên ku hatine resepsiyonê di 5 deqîqan de  
78.42% 71.03%

Dîtina kesên ku hatine ofîsê ji bo hevpeyvînekê di 15 deqîqan de 86.72% 84.18%  
Bersîvên name, faks û emailên gilîyan di 15 rojên xebatê de 89.57% 93.75%  
Bersîva gilîyan di 15 rojên xebatê de 95.73% 95.93%  
Dema averaj ji bo rakirina nivîsên dîwaran(grafîtî) ên sûtên êrîşkarî û nefretê (averaj 3 seet) 56 deqîqe 45 deqîqe  
Rêjeya tamîrên normal ên di 20 rojên xebatê de qedandî 94.72% 98.06%  
Rêjeya tamîrên rewşa acil ên di 24 seetan de qedandî 92.97% 93.85%  
Rêjeya karên yekser kirinê ên di 2 seetan de qedandî 97.78% 97.74%

## **Dick Whittington û pisîka wî hatin Hackney Empire**

Li gel her tiştê ku meriv ji pantomîmekî kevneşopî bipê û performansa kevneşopî jî di nav de bêtirî wê, set û kostumên hêja, dîmenên bi efsûn, muzîk û dansa bi heyecan, komediya zêde bi ken û keyfa mezin.

Dick Whittington ê ji aliyê Hannah Jane Fox ve bê lîstin, Tameka Empson wek Fairy Bowbells vedigere û Kat B wek Idle Jack.

**Empire ji bo veqetandinên koman bilêtên erzankirî pêşkêş dike. Çima li gel hevalan û malbatê êvareke xweş pê derbas nakin? Bilêt tenê ji £9.50an dest pê dikin**

**Têkilî bi me re**

**Gelek awa hene ku hun bikanibin bi me re têkilî çêbikin ...**

**Telefon an çûyina Ofîsên me yê Taxê:**

**Bakurê Rojhilat (Stamford Hill)**

Clock House, 149 Stamford Hill,  
London N16 5LG

**Telefon: 020 8356 6500**

Nightingale Estate Office,  
20 Olympus Square, London E5 8PL

**Telefon: 020 8356 1914**

**Bakurê Rojava (Stoke Newington)**

Stoke Newington Municipal Offices,  
Stoke Newington Church Street,  
London N16 0JR

**Telefon: 020 8356 6100**

**Homerton**

92 Well Street, London E9 7JA

**Telefon: 020 8356 7800**

**De Beauvoir & Queensbridge**

31 De Beauvoir Road,  
London N1 5SJ

**Telefon: 020 8356 6600**

**Shoreditch**

1 Croypley Street, London N1 7PT

**Telefon: 020 8356 6705**

2 Whiston Road, London E2 8BW

**Telefon: 020 8356 1731**

**Lêpîrsînên xwedî-lease û xwedî-milkan**

298 Mare Street, London  
E8 1HE

Telefon: 020 8356 2100

Email: Leaseholders@

Hackneyhomes.org.uk an jî

service.charges@ hackneyhomes.org.uk or

major.works@ hackneyhomes.org.uk

### **Raporkirina tamîrekê**

Telefon: 020 8356 3691

Email: RepairsRCC@hackneyhomes.org.uk

Înternet: [www.hackneyhomes.org.uk/h-housecall.htm](http://www.hackneyhomes.org.uk/h-housecall.htm)

### **Gilî yan pesnekê bidin me**

Telefon: 020 8356 5022

Faks: 020 8356 5091

Email: housing.complaints@hackneyhomes.org.uk

Înternet: [www.hackneyhomes.org.uk/hc-complaints.htm](http://www.hackneyhomes.org.uk/hc-complaints.htm)

### **Tundûtûjîya nav malê an sûcê nefretê**

Telefon: 020 8356 4459 or

Telefona bêpere: 0800 056 0905

### **Hejmarên telefonê yên din ên kêrhatî**

Raporkirina dengzarîyê: 020 8356 4455

Avêtîyên gir/paqijîya cadê: 020 8356 6688

Vezîvirandin: 020 8356 6688

Alîkarîya kirêya xanî û baca şaredarîyê: 020 8356 3807

Lêpirsînên baca şaredarîyê: 020 8356 3154

Tîma Tevgerînê ya Xanî: 020 8356 5760

Ronîkirina Cadeyan: 020 8356 2897

Destûrên parkê li cadeyan: 020 8356 8877

(ji bo destûrên parkê li sîteyan bi ofîsa taxa xwe re têkilî çêbikin)

Xizmeta Navberkarîyê ya Hackney: 020 8356 4794

Projeya Serdegirtinê: telefona bêpere 0800 073 1779

[www.hackneyhomes.org.uk](http://www.hackneyhomes.org.uk)

Hackney Homes Limited. Li Îngilîstanê qeydkirî hejmar:  
5663757

Ofîsa Qeydkirî: Christopher Addison House, 72 Wilton  
Way, London E8 1BJ

Hackney Homes Limited şirîkeyek e ku ji alîyê Navçeya  
Hackney a Londonê ve tê kontrol kirin

Design & Communications afirandiye • Şaredarîya

Hackney • Çileyê Pêşîn 2007 • PJ33205 • li kaxeta %100  
vezîvirandî hatiye çapkirin